

ایوٹننگ گو جری نیو ز بلیٹن مورخہ 07 جون 2024

1\* وزیر اعظم نریندر مو دی نانہہ متفقہ طور رور لوک سبھا، بی جے پی تے این ڈی اے غی پا رلیمانی پارٹی غو لیڈر منتخب کیو گیو۔

2\* سنئیر بی جے پی لیڈر نریندر مو دی اتوار 9 جون نانہہ تیجی بار وزیر اعظم غا طور رور حلف لیں گا۔

3\* وزیر اعظم نریندر مو دی نے تعلیمی اصلاحات نانہہ نمایاں کیو۔ کیونجے بھارت نے قیو ایس ورلڈ یونیورسٹی درجہ بندی مانہہ 318 فیصد اضافو دیکھیو ہے۔

4\* تے جموں کشمیر غی لوک سبھا غی 5 سیٹاں ور کُل 100 امیدواراں وچوں 68 فیصد نے نوٹا تیں کھٹ ووٹ حاصل کیو۔

1\*\*\*\*\*

### NDA Govt Formation

قومی جمہوری اتحاد یعنی این ڈی اے غی پارلیمانی جماعتاں غی طرفوں متفقہ طور رور جناب نریندر مو دی نانہہ اپنو لیڈر چُن ليو گیو ہے۔ نوی دہلی مانہہ این ڈی اے غی پارلیمانی جماعتی میٹنگ غے دوران سنئیر بھارتیہ جنتا پارٹی لیڈر تے مرکزی وزیر راجناتھ سنگھ نے جناب مو دی نانہہ این ڈی اے غو لیڈر منتخب کرن بارے تجویز پیش کی تے اس غی پھر تمام این ڈی اے اتحادیاں نے حمایت کی۔ جناب مو دی نانہہ لوک سبھا مانہہ بی جے پی غو لیڈر تے بی جے پی پارلیمانی جماعت غو لیڈر وی چُنیو گیو ہے۔ جناب مو دی غو ناں تجویز کرتاں واں راجناتھ سنگھ بوراں نے کہیو جے اس عہدہ واسطے اُن غو ناں ہی مناسب ہے۔ اُنہاں نے کہیو جے این ڈی اے اتحاد کوئی مجبوری نہیں بلکہ یوہ اک مہارو عزم ہے۔ اس تجویز غی حمایت کرتاں واں مرکزی وزیر امت شاہ نے کہیو جے یاہ خواہش نہ صرف این ڈی اے پارلیمانی جماعتاں غی میٹنگ مانہہ بیٹھا واہ لیڈراں غی ہے بلکہ اس مُلک غی 140 کروڑ آبا دی غی ہے۔ سنئیر بی جے پی لیڈر تے مرکزی وزیر تنن گڈکری نے کہیو جے وزیر اعظم جناب نریندر مو دی نے لگن اور محنت سنگ کم کرتاں واں مُلک غی خوشحالی نانہہ یقینی بنایو ہے۔ ٹی ڈی پی سربراہ چندر بابو نا ئیڈو نے کہیو جے پچھلا 10 بہراں غے دوران جناب نریندر مو دی دور اندیش لیڈر شپ غے تحت این ڈی اے حکومت نے نمایاں پھل اپنائی ہیں۔ تے اس دوران مُلک نے قابل ذکر ترقی اور تبدیلی غو مشاہدو کیو ہے۔ وزیر اعظم جناب نریندر مو دی غی حمایت غو اظہار کرتاں واں بہار غا وزیر اعلیٰ تے جے ڈی یو غا صدر تیش کمار نے کہیو جے یوہ بڑا اچھو ہے کہ ہم سب اکھٹا بو غے جناب نریندر مو دی غی لیڈر شپ غے تحت کم کراں گا۔ اس موقع ور وزیر اعظم جناب نریندر مو دی نے کہیو جے این ڈی اے جماعتاں غو کوئی ایسو گروپ نہیں جھیڑو اقتدار غی خاطر اکھٹو بوؤ ہے۔ بلکہ یوہ اک ایسو اتحاد ہے جھیڑو مُلک نانہہ اولین رکھیا جان غا جذبہ سنگ پُر عزم ہے۔ اُنہاں نے کہیو کہیو جے بھارت غی تاریخ مانہہ این ڈی اے اتحاد سب تیں کامیاب ریو ہے۔ جناب مو دی نے کہیو جے آج مُلک غا لوکاں نے این ڈی اے نانہہ 22 ریاستاں مانہہ حکومت بنان غو موقعو دتو ہے۔ اُنہاں نے کہیو جے این ڈی اے حکومت بہتر انتظامیہ ترقی تے عام شہریاں غی بہتری ور توجو مرکوز کرے گی۔ اُنہاں نے کہیو جے پچھلا 10 بہراں غے دوران این ڈی اے حکومت نے مُلک نانہہ نویں بلندیاں ور پہنچایو ہے۔ بی جے پی غا صدر جے پی نڈہ نے کہیو جے این ڈی اے نانہہ لگاتار تیجی بار

لوک سبھا انتخابات مانہہ اکثریت حاصل ہوئی ہے۔ انہاں نے کہیو جے اُڑیشہ تے آندھرا پردیش مانہہ مہا ری کامیابی وی قابلِ تعریف ہے۔ مرکزی وزیر پیوش گوٹیل، انوراگ سنگھ ٹھاکر، ایل جے پی آر گا سربراہ چراغ پاسوان، این سی پی لیڈر اجیت پوار، آر ایل ڈی سربراہ جیانت چودھری، جن سینہ سربراہ پون کلیان تے دوجا لیڈر وی اُت میٹنگ مانہہ موجو د تھا۔ اس تیں علا وہ اُتر پردیش گا وزیر اعلیٰ یوگی ادتیہ ناتھ گجرات گا وزیر اعلیٰ بھوپیندر پٹیل، مہا راشٹر گا وزیر اعلیٰ ایک ناتھ شندے، مدھیہ پردیش گا وزیر اعلیٰ موبن یا دؤ گواہ گا وزیر اعلیٰ پرمو د سانت، آسام گا وزیر اعلیٰ بیمنت بسواہ تے منی پور گا وزیر اعلیٰ این پرن سنگھ نے وی اس میٹنگ مانہہ شرکت کی۔

\*\*\*\*\*

### Oath Ceremony

بی جے پی گا سنٹیئر لیڈر نریندر مو دی اتوار نانہہ تیجی با ر وزیر اعظم گا عہدہ غو حلف لیں گا۔ حلف برداری غی تقریب شام 6 بجے راشٹر پتی بھون مانہہ وے گی۔ مرکزی وزیر پرلہا د جو شی نے اج نوی دہلی مانہہ این ڈی اے پا رلیمانی پارٹی غی میٹنگ دوران یاہ اطلاع دتی۔ صدر جمہوریہ درپدی مرمو نریندر مو دی تے اُن غی کا بینہ نانہہ حلف دوایں گی۔

\*\*\*\*\*

### JDU Meet

جنتا دل یو نائیڈ گا صدر تے بہا ر گا وزیر اعلیٰ تیش کمار نے اج نوی دہلی مانہہ اپنی رہا ئش گاہ ور پا رلیمانی پارٹی غی میٹنگ غی صدارت کی۔ جے ڈی یو گا للن سنگھ، سنجے کمار جہا، اجے کمار منڈل، وجے لکشمی گُشواہا، کوشلیندر کمار، رام ناتھ ٹھاکر، دیش چندر ٹھاکر، سُنیل کمار، لولی انند، گردھا ری یا دؤ انیل بید سمیت دوجا لیڈر میٹنگ مانہہ شامل تھا۔ اسے دوران لوک جن شکتی پارٹی رام ویلاس غی وی قومی راجدھانی مانہہ پارلیمانی پارٹی غی میٹنگ ہوئی۔ جس مانہہ پارٹی غا قومی صدر چراگ پاسوان نانہہ پارلیمانی کمیٹی غو لیڈر منتخب کیو گیو۔

\*\*\*\*\*

### PM Meeting

وزیر اعظم نریندر مو دی نے اج این ڈی اے غو لیڈر چُن تیں بعد بی جے پی لیڈراں لال کرشن ایڈوانی تے مُرلی منہو بر جو شی سنگ ملاقات کر غے اُن تیں نیک خواہشات حاصل کیں۔ جناب مو دی نے سابق صدر جمہوریہ رام ناتھ کو بند سنگ وی اُن غی دہلی مانہہ رہا ئش گاہ ور ملاقات کی۔ اس تیں بعد جناب مو دی نے راشٹر پتی بھون جا غے صدر جمہوریہ درپدی مرمو نانہہ حکومت بنان غو دعوؤ پیش کرینگا۔ واضع رہ جے بی جے پی نے 240 سیٹ حاصل کرتاں واں قومی جمہوری اتحاد تے 293 سیٹ حاصل کی ہیں جھیڑی کہ 543 سیٹاں آلی لوک سبھا مانہہ اکثریت ہے۔

\*\*\*\*\*

### Sikkim Krantikari Morcha

سیکم کرائتی کار ی مورچہ پارلیمانی پارٹی نے متفقہ طور ور نریندر مو دی نانہہ بی جے پی پارلیمانی جماعت گا لیڈر غے طور وزیر اعظم گا عہدہ واسطے حمایت غو فیصلو کیو ہے۔ وزیر اعلیٰ پریم سنگھ نے اپنا سرکاری سماجی ذرائع ابلاغ پیج ور اس بارے اعلان کیو ہے۔

\*\*\*\*\*

## Search Operation

حُکام نے دسیو بے کہ اج سلامتی دستاں نے شہر غا مضافات مانہہ تلاشی شروع کی ہے۔ سپیشل آپریشن گروپ تے دیگر سکیورٹی اہلکاراں نے مجین غا علاقہ مانہہ بالا جی مندر غے قریب بڑا جنگلاتی علاقہ مانہہ تلاشی لی۔ اک پولیس افسر نے دسیو بے کہ تلاشی اک معمولی مشق تھی۔ تاہم ذرائع نے دسیو بے کہ آپریشن علاقہ مانہہ مشکوک سرگرمیاں غو پتو چلن غی وجہ تیں کیو گیو۔ 29 جون تیں شروع ہون آلی سالانہ امرناتھ یا ترا غی تیاریاں غا سلسلہ مانہہ علاقہ مانہہ سکیورٹی بدھا دتی گئی ہے۔

\*\*\*\*\*

## Reasi SHG

کے وی کے ریا سی نے ریا سی مانہہ اپنی مدد آپ گروپ تے خواتین نانہہ با اختیار بنان ور پروگرام گو انعقاد کیو۔ پروگرام غو افتتاح ایسو سیٹ ڈائریکٹر اکسٹنشن ڈاکٹر بیما ترپاٹھی نے کیو۔ انہاں نے دیہی خواتین نانہہ با اختیار بنان گا با را مانہہ رہنمائی کی۔ انہاں نے کہیو۔۔۔ با ٹ۔

\*\*\*\*\*

## PM Education

وزیر اعظم نریندر مو دی نے اج اس گل ور زور دتو کہ ان غی حکومت نے گذشتہ اک دبائی غے دوران تعلیم گا شعبہ مانہہ معیاری تبدیلی ور تو جہ مرکوز کی ہے۔ ان غو یوہ بیان ”قیو ایس ورلڈ یونیورسٹی درجہ بندی مانہہ جی 20 ممالک غے درمیان یونیورسٹی غی نمائندگی مانہہ ملک غی سب تیں زیا دہ ترقی غے بعد سامنے آيو ہے۔ بھارت نے 3 سو 18 فیصد اضافو دیکھیو۔ اس درجہ بندی غا 2015 غا شمارہ مانہہ 11 یونیورسٹیاں تیں 2025 غا شمارہ مانہہ 46 ہو گئی ہے۔

\*\*\*\*\*

## EC NOTA JK

چناؤ کمیشن غا اعدادو شمار غے مطابق جموں کشمیر غی 5 لوک سبھا سیٹاں ور میدان مانہہ موجود 100 امیدواراں مانہہ 68 فیصدی نے نوٹا تیں وی کہٹ ووٹ حاصل کیا ہیں۔ مجموعی طور ور 34 ہزار 7 سو 88 ووٹراں نے 5 سیٹاں ور نوٹا غو بٹن دبايو۔ جس تیں یوہ ظاہر وے کہ پارٹیاں غا امیدواراں نانہہ مسترد کر دتو گیو ہے۔ سب تیں زیا دہ 12 ہزار 9 سو 38 نوٹا ووٹ جموں خطہ غا ادھم پور حلقہ مانہہ پول بوؤ یہ سیٹ بی جے پی امیدوار جتندر سنگھ نے برقرار رکھی۔ ادھم پور تیں دیگر 11 امیدوار میدان مانہہ تھاتے نوٹا نے ان مانہہ 9 تیں زیا دہ ووٹ حاصل کیا ہیں۔ پڑوسی جموں سیٹ ور 4 ہزار 6 سو 45 ووٹراں نے نوٹا غو بٹن دبايو۔ اس سیٹ تیں 22 امیدوار میدان مانہہ تھا۔ جس مانہہ بی جے پی غا جگل کشور نے جیت حاصل کی۔ سرینگر سیٹ ور نوٹا غا ووٹراں کی تعداد 5 ہزار 9 سو 98 تھی۔ اس حلقہ تیں 24 امیدوار میدان مانہہ تھا۔ انت ناگ راجوری حلقہ مانہہ 6 ہزار 2 سو 23 ووٹراں نے نوٹا غی حمایت کی۔ با ریمولہ سیٹ ور 4 ہزار 9 سو 84 ووٹراں نے نوٹا غو استعمال کیو۔ اس طرح کل 100 وچوں 68 امیدواراں نے نوٹا تیں کہٹ ووٹ حاصل کیا ہیں۔

\*\*\*\*\*

## EC MCC

لوک سبھا انتخابات غا اعلان غے نال ہی 16 ما رچ نانہ نافذ ہون آلو مثالی ضابطہ اخلاق نانہ بٹا دتو گیو ہے۔ مرکزی کا بینہ سیکریٹری تے ریا ستی چیف سیکریٹریاں نانہ پیجیا گیا اک مکتوب مانہ چناؤ کمیشن نے کہیو ہے جے لوک سبھا انتخابات تے اروناچل ریش، سیکم، اڑیشہ تے آندھرا پریش مانہ اسمبلی انتخابات غا نتائج غے نال نال کجھ ضمنی انتخابات غو اعلان کیو گیو ہے۔ تے مثالی ضابطہ اخلاق نے فوری اثر تیں کم کرنو بند کر دتو ہے۔ انتخابی ضابطو اک ایسا دن مانہ چاہ لیو گیو ہے جد اعلیٰ چناؤ کمشنر راجیو کمار غی قیا دت مانہ چناؤ کمیشن نے جتن آلا امید واراں غی فہرست صدر جمہو ریہ دروپدی مرمو نانہ سوئی۔ جس نے 18 ویں لوک سبھا غی تشکیل غا عمل نانہ اگے بدھایو ہے۔

\*\*\*\*\*

## CSIR Doda

سی ایس آئی آر پھل بانی مشن نے ڈوڈہ، جموں غا کساناں مانہ میری گولڈ غا بیج تقسیم کیا ہیں۔ جس غو مقصد خطہ مانہ پھولاں غی کاشت نانہ فروغ دینو ہے۔ اس اقدام غو مقصد کساناں نانہ اپنی فصلاں نانہ متنوع بنان مانہ مدد دے گی۔ تے میری گو لڈ اگان سنگ اُن غی آمدنی مانہ اضافو وے گو۔ جھیڑی اُن غی سجاوٹی تے دوائیاں غی خصوصیات غی وجہ تیں قابلِ قدر ہے۔ یاہ کو شش پا ئیدار ذرعی ترقی غی حمایت کرے تے علاقہ مانہ روزی روٹی غا مواقع نانہ اگے بدھاوے۔ اس سلسلہ مانہ اک کسان اور افسر نے کہیو۔۔۔ بائٹ

\*\*\*\*\*

## DGP Grievance

جموں کشمیر پولیس غا ڈائریکٹر جنرل آر آر سوین غی قیا دت مانہ شکایات غا ازالہ غو پروگرام کل دوبا رہ پلوامہ غا ضلع پولیس لائین مانہ شروعوے گو۔ پولیس غا ترجمان نے کہیو ہے کہ جن شہریاں نانہ پولیس تفتیش، تصدیق مانہ تاخیر، ایف آئی آر غا اندراج مانہ تاخیر یاہ انکار یاہ ناقص تفتیش غا با را مانہ شکایات ہیں۔ اُنہاں نانہ پہلی ترجیح دتی جا ئے۔ شہیداں غا خانداناں نانہ دوجی ترجیح دتی جا ئے گی۔ اس تیں بعد دیگر پولیس اہلکاراں غا اہل خانہ تے رشتہ دار ویں گا۔ سروس تیں متعلق مسائل غے نال زیرِ ملازمت پولیس افسراں تے ایس پی اوز نانہ چوتھی ترجیح دتی جا ئے گی۔ یوہ پروگرام صرف پلوامہ ضلع غا رہا نشیاں واسطے ہے۔ جن لوکاں نانہ پولیس خدمات غا با رہ مانہ شکایات ہیں وے ڈی پی ایل غا بیلپ ڈیسک ور جا ئیں تے مکمل تفصیلات تے موبائیل نمبر غے نال تحریری درخواست جمع کرائیں۔

\*\*\*\*\*